


HEZKUNTZA. 2004an egingo da azterketa hori azkeneko aldiz, Batxilergoko Proba Orokorra jarriko dutelako

11.307 ikaslek egingo dute selektibitatea gaurtik etzira bitartean Hego Euskal Herrian

4.673 lagunek euskaraz egingo dute, gainerakoek gaztelaniaz



JOXE LACALLE

Selektibitateko azterketa, iaz, Nafarroako Unibertsitate Publikoan.

Erredakzioa | **DONOSTIA**

Gaur, bihar eta etzi egingo dute selektibitateko azterketa Hego Euskal Herriko ikasleek. Batxilergoko 2. maila guztiz gainditu duten eta azterketan izena eman duten 11.307 ikasle dira proba gainditu eta unibertsitateko bidea hautatu dutenak. Batxilergoan ikasgaiaren bat gainditu gabe utzi dutenek, berriz, horiek gainditu eta uztailan egin ahal izango dute azterketa bera.

LOGSE ezarri zenetik hirugarren aldiz da Batxilergoko 2. mailako ikasleek selektibitatea egiten dutela, eta 2004koa izango da azkena. Izan ere, Espainiako Unibertsitate Legeak dioenez, 2005. urtean Batxilergo Proba Orokorra gainditu behar dute ikasleek —bakoitzak bere ikastetxean— eta ondoren, azterketa berezituak egingo dituzte aukeratutako unibertsitateetan.

Lurraldeka banatuta, Bizkaian 4.734 ikasle eman dute izena azterketarako; Gipuzkoan, 3.205 ikasle; Araban, 1.236k eta Nafarroan 1.232 ikasle. Horietako gehienek, 6.634 ikasle, gaztelaniaz egingo dute azterketa; eta gainera-

HIZKUNTZA

ARABA. Araban selektibitatea egingo duten 1.236 ikasleetatik 402k egingo dute euskaraz.

BIZKAIA. 4.734 ikasle egingo dute azterketa, horietako 1.815ek euskaraz (%39).

GIPUZKOA. Selektibitatea 3.205 ikasle egingo dute; 2.066k euskaraz.

NAFARROA. 2.132 ikasle eman dute izena azterketarako. Horietako 390ek euskaraz egingo dute (D eredua); 79k euskara ikasgai gisa dute (A eredua); eta 1.668 ikasle ez dute euskarazko probarik egingo (G eredukoak).

koek euskaraz egingo dute, guztira 4.673 ikasle.

Arabian, Bizkaian eta Gipuzkoan selektibitatea gaztelaniaz egitea aukeratu duten ikasle guztiek, hala ere, euskarazko azterketa egin behar dute derigorrez. Nafarroan hori aldatu egiten da. 390 ikasle euskara hutsean egingo dute azterketa;

gaztelania, ingelesa eta gainerako atzerriko hizkuntzak kenduta. Beste 79 ikasle, euskara ikasgai gisa eman dutenez, euskarazko azterketa gainditu behar dute. Azkenik, ikasleen gehiengoak ez du euskarazko probarik izango; G eredukoak dira guztiak, eta ez dute euskara ikasgai bezala ematen.

Probak hiru egunetan

Gipuzkoa, Araba eta Bizkaiko ikasleek gaur arratsaldeko 16:00etan hasiko dute hiru eguneko proba. Lehenengo azterketa Gaztelania eta Literatura izango dute, eta horren atzetik egingo dituzte besteak. Nafarroan, berriz, goizeko 10:30ean dute hitzordua ikasleek; baina azterketen ordena bera da. Azken azterketak euskara eta atzerriko hizkuntzenak izango dira.

Bestetik, IAK iragarri du hainbat ikasle selektibitateari insumisioa egingo diotela gaur. Izena eman eta proba aurkeztuko diren arren, azterketatik altxa eta komunikatu bat irakurriko dute, hainbat aldarrikapenekin. Azterketen edukia eta hizkuntzen gaia salatuko dituzte; eta baita Iparraldeko ikasleek Hegoaldean ikasteko proba bikoitza pasa behar dutela ere.

Hogeita sei asteburuko espetxe zigorra ezarri diete EHUKo irakasle kaleratuei

Aitziber Laskibar | **BILBO**

Bizkaiko Probintzia Entzutegiak 26 asteburuko —sei hilabetezko asteburuak— espetxe zigorra ezarri die Jose Luis Herrero, Jose Ramon Etxebarria, Jesus Mari Zalakain, Enrike Lopez eta Antton Azkargorta EHUKo kaleratutako bost irakasleei. 1993an Unibertsitateak EHUKo kaleratzeko agindua eman, eta erabaki hori muzin egiteagatik, «desorden publikoak» eragitea egotzi die epaitegiak. Horrez gain, hilabete eta egun bateko arrestatzea, 600 euroko isuna eta epaitegiko gastuak ordainarazteko agindua eman du epaitegiak, «desobediencia» delitua egotzita.

Duela urtebete epaitu zituzten irakasle kaleratuak akusazio horientatik, eta orduan ezarritako zigorra errekurritu ondoren, Bizkaiko Auzitegiko 2. atalak berretsi egin du, orain, epai hura.

«1993an gu Unibertsitateko campusetik desterratzeko agindua eman zuen EHUK, eta, guk, epaia errekurritu egin genuen», azaldu dio EGUNKARIARI Jose Ramon Etxebarria. Irakasle kaleratuek, halere, epaia ontzat eman ez eta unibertsitateara joaten jarraitu zuten. Urte

eta erdi ondoren, epaitegiak balio gabe utzi zuen EHUKo kanporatzeko agindua, irakasleek unibertsitatean egoteko eskubidea zutela eta.

Hala ere, EHUKo Errektoretzak irakasle kaleratuaren aurkako salaketa jarri, eta, duela urtebete egin zen epaiketa. Orduan ezarritako zigorra berretsi du Bizkaiko Auzitegiak.

«Espetxean sartzen bagaituzte EHUKo orduko eta oraingo arduradunena izango da erantzukizuna, errektore taldetik hasita», adierazi zuen Etxebarria erabakiaurrean.

«Gure eskubideak urratu, eta gu gara zigortuak»

«Legez kanpo ari dira jokatzeko gurekin», salatu zuen. Izan ere, «zinpeko guardiak urte eta erdi egon ziren guri unibertsitateko eraikinetarako sarrera debekatzen. Epaitegiak guri eman zigun arrazoia, baina, legez kanpo aritu zirenei ez zitzaizkion zigorrak ezarri. Guri urratu dizkigute eskubideak eta gu gara zigortuak!», salatu zuen.

Jose Maria Sarasibar irakaslearen abokatuak azaldu zuenez, bestalde, «baliteke irakasleak espetxera eramatea edo baliteke epaileak suspentsioa ematea».

5 HENDAKIA
2002 ekainak 15
SAGARNO EGUNA



A 17:30etan
ERREPUBLIKA PLAZAN
Place de la République

EGURALDI TXARRA EGUN EZKERO BESTA XAPITO AZPIAN EGUNEN DA
En cas de mauvais temps la fête aura lieu sous chapiteau

ANTOLATZAILEA: BARRILEAK: LAGUNTZAILEA:

